

集古官印考

集古官印攷卷六

嘉定瞿中溶編輯

男樹鏞校刊

刺史

漢書百官公卿表監御史秦官掌監郡漢省丞相遣史分刺州不常置武帝元封五年初置部刺史掌奉詔條察州秩六百石員十三人成帝綏和元年更名牧秩二千石哀帝建平二年復爲刺史元壽六年復爲牧後漢書光武紀建武十八年是歲罷州牧置刺史章懷注經王莽變革建武元年復

置牧今改置刺史又續漢書百官志本注曰建武  
十八年復爲刺史十二人各主一州其一州屬司  
隸校尉諸州常以八月巡行所部郡國錄囚徒考  
殿最初歲盡詣京都奏事中興但因計吏皆有從  
事史假佐

桂氏

右冀州刺史章案冀州本周禮職方所掌九州之一  
漢書地理志言武帝攘卻胡越開地斥境南置交趾

北置朔方之州兼徐梁幽并夏周之制改雍曰涼改  
梁曰益凡十三部置刺史續漢書郡國志云豫州部  
郡國六冀州部九兖州部八徐州部五青州部六荆  
州部七揚州部六益州部十二涼州部十二并州部  
九幽州部十一交州部七凡九十八又引獻帝起於  
注建安十八年三月庚寅省州并郡復禹貢之九州  
具詳劉昭補注冀州刺史所部以地理志攷之乃魏  
與鉅鹿常山清河四郡而以郡國志攷之則魏鉅鹿  
常山中山安平河間清河趙勃海九郡國也

右印文曰治中從事案續漢書郡國志諸州皆有從事史假佐本注曰員職略與司隸同無都官從事其功曹從事爲治中從事

太守丞長史郡尉丞

漢書百官公卿表郡守秦官掌治其郡秩二千石有丞邊郡又有長史掌兵馬秩皆六百石景帝中二年更名太守續漢書百官志每郡置太守一人

二千石丞一人郡當邊戍者丞爲長史古今注建武六年三月令郡太守諸侯相病丞長史行事十四年罷邊郡太守丞長史領丞職又地理志云本秦京師爲內史分天下作三十六郡漢興以其郡太大稍復開置又立諸侯王國武帝開廣三邊故自高祖增二十六文景各六武帝二十八昭帝一訖於孝平凡郡國一百三又郡國志世祖中興惟官多役煩乃命并合省郡國十至明帝置郡一章帝置郡國三和帝置三安帝又命屬國別領比郡

者六至於孝順凡郡國百五

印存

右河東太守章案地理志河東郡秦置百官公卿表  
郡守景帝中二年更名太守則印文稱太守者皆景  
帝中二年後所鑄也

顧諸索鈕

右上黨太守章案地理志上黨郡秦置

印統

右宏農太守章案地理志宏農郡武帝元鼎四年置  
桂氏

右濟南太守章案地理志濟南郡故齊文帝十六年  
別爲洛南國景帝二年爲郡

大年據印藪摹補印史印則印統金索並有



范氏龜鈕

右安定太守章案地理志安定郡武帝元鼎三年置  
印存

右河內太守章案地理志河內郡高帝元年爲殷國  
二年更名大作太疑與前印非同時物

右常山太守章案地理志常山郡高帝置張晏曰恒山在西避文帝諱故改曰常山郡國志郡改國此大字似亦同前作太

桂氏

右曰兔太守章案地理志元菟郡武帝元封四年開高句驪應劭曰故真番朝鮮胡國郡國志同則兔上當是元也兔字漢人隸書加艸頭耳印文止作兔可見漢人摹印尙不繆

桂氏

右朔方太守章案地理志朔方郡武帝元朔二年開  
西部都尉

大年據印史摹補

范氏龜鈕

范氏龜鈕吳氏

右天水太守章案地理志天水郡武帝元鼎三年置  
明帝改曰漢陽此印四圍有界線與前龍頤侯等印

同

右廣漢太守章案地理志廣漢郡高帝置然此印文  
草率不正恐是後代物

右東萊太守章之泥印範諸城劉吉甫觀察得於陝  
西案地理志東萊郡高帝置屬青州師古曰東萊子

集字 卷六  
國也

張氏

右櫪爲太守章案地理志櫪爲郡武帝建元六年開  
應劭曰故夜郎國此印形制長而文作兩行與漢印  
不類惟櫪字从木不从牛與漢碑同故列於漢又見  
一印本旁少曲似禾

右南陽太守章案地理志南陽郡秦置此印與前印形制略同微小又大作太疑非漢物

范氏鑲金龜鈕

吳氏

右會稽太守章案地理志會稽郡秦置高帝六年爲荆王國十二年更名吳景帝四年屬江都隸揚州此印形制與前略同而大大亦作太又章字篆法並與後魏時太守印相類疑非漢物

印存

右印文曰南陽守丞案地理志南陽郡秦置攷漢初郡守止稱守後景帝更名太守此印稱守不稱太守當是西京景帝中平二年以前物百官志每郡置太守一人丞一人此即是也

右印文曰東萊守丞案地理志東萊郡高帝置師古

曰故萊子國此印亦當是中平二年前物

右印文曰東郡守丞與前例同案地理志東郡秦置  
莽曰治亭屬宛州

右印文曰樂安守丞與前例同案地理志信都郡應  
劭曰明帝更名樂安



右印文曰左馮翊丞案地理志左馮翊故秦內史高  
帝元年屬塞國二年更名河上郡九年罷復爲內史  
武帝建元六年分爲左內史太初元年更名左馮翊

顧譜

右才平尹丞印案平上一字右旁闕攷漢書王莽傳  
改太守曰大尹又莽所改郡縣名有平者甚多此印

文爲五字與後就都亭宰等印正合必是莽時大尹  
之丞印莽時郡丞未聞改名也更以莽改敦煌郡爲  
敦德前有敦德尹曲倭一印與此互證印文亦止稱  
尹不稱大尹知此爲莽時印無疑此印已載嘯堂集  
古錄

查氏張氏

右上谷郡長史印案地理志上谷郡秦置百官志每  
郡置太守一人丞一人郡當邊戍者丞爲長史古今

注言建武十四年罷邊郡太守丞長史領丞職上谷  
正邊郡此即是也當爲東漢時印

顧譜鼻鈕

右西平郡長史印攷兩漢志皆無西平郡而晉書地  
理志云西平郡漢置杜氏通典亦云後漢建安中置  
西平郡晉志西平郡隸涼州則亦邊郡也故置長史

右長史印信案此單言長史恐非郡長史也姑附此

印

右印文曰廣陵尉丞案地理志廣陵國高帝六年屬  
荊州十一年更屬吳景帝四年更名江都武帝元狩  
三年更名廣陵百官表郡尉秦官掌佐守典武職甲  
卒秩比二千石有丞秩皆六百石景帝中二年更名  
都尉攷後漢書光武紀建武六年初罷郡國都尉官  
郡國志云中興建武六年省諸郡都尉并職太守又

云惟邊郡往往置都尉及屬國都尉稍有分縣治居民比郡安帝以羌犯法三輔有陵園之守乃復置右扶風都尉京北虎牙都尉皆置諸曹掾史而攷廣陵非邊郡又無別置都尉之文則此印必西漢時物乃廣陵郡都尉之丞也蓋印以四字爲文乃省去都字耳

右印文曰日南尉丞案地理志日南郡故秦象郡武

帝元鼎六年開更名屬交州師古曰言其在日之南所謂開北戶以向日者此印形制字文並與前廣陵尉丞相似其爲西漢郡都尉之丞印無疑可證愚前說之不繆

右印文曰代郡農長案地理志代郡秦置應劭曰故代國又百官公卿表大司農屬官有均輸令丞又郡國諸倉農監都水六十五官長丞皆屬焉則此當即

郡國之農長印也

顧謹

右印文曰受降大尉丞攷地理志雲中郡秦置莽曰  
受降王莽傳始建國元年改都尉曰太尉百官公卿  
表屬國都尉丞侯千人郡國志屬國都尉丞一人此  
印文五字其爲王莽時物無疑

顧諱鼻鉏

右印文曰樂浪前尉丞案地理志樂浪郡武帝元封二年開惟史志不言郡有前尉丞而印文五字與前略同當亦是王莽時官制

范氏龜鈕

右印文曰漁陽長平侯案地理志漁陽郡秦置莽曰通路有漁陽縣下云水出塞外東南至泉州入海行七百五十里有鐵官莽曰得漁此印文五字與王莽所置官印相似然莽已改郡縣名不合



金氏龜鈕

右印文曰獲降農中候案百官表中尉及將作少尉屬官俱有左右中侯又武帝元狩三年邊郡增置屬國都尉農都尉主蠻夷降者皆有丞侯然此印文五字攷地理志言五原郡莽曰獲降五原正邊郡則此印獲降郡農都尉之中侯亦莽時官印無疑

右印文曰漢氏文園宰案百官表有諸廟寢園食官  
令長丞郡國志先帝每陵園令各一人六百石本注  
曰掌守陵園案行掃除攷王莽改縣令長曰宰又稱  
漢爲漢氏並見本傳文園者孝文帝之陵園也即司  
馬相如傳拜孝文園令是也則此蓋王莽改制漢孝  
文帝園令之印也据此知凡稱令長者莽皆改曰宰  
不獨縣之令長矣漢時帝后陵寢皆有園三輔黃圖  
言高園於陵上作之既有正寢以象平生正殿路寢  
也又立便殿於寢側以象休息閑宴之處也又云惠

帝安陵有果園鹿苑武帝茂陵園有鶴觀王莽妻死  
葬渭陵長壽園又云祖宗廟京師自高祖至宣帝與  
太上皇悼皇考各自居陵旁立朝并爲百七十六又  
園中各有寢便殿又云太上皇有寢廟園原廟昭靈  
后高祖母武哀王高祖兄昭哀后高祖嫂皆有園孝惠皇帝  
有寢廟園孝文太后孝昭太后皆有寢園衛思后長  
子皇祖悼考皆有廟園宣帝父史皇孫其載文帝但云廟號  
顧成廟雖不言有園而据言孝文太后有寢園則其  
陵亦有園可知矣又攷漢書文帝紀四年作顧成廟

服虔曰廟在長安城南文帝作還顧見城故名之應  
劭曰文帝自爲廟制度卑狹若顧望而成猶文王靈  
臺不日成之故曰顧成又遺詔曰霸陵山川因其故  
無有所改應劭曰因山爲藏不復起墳山下川流不  
遏絕就其水名以爲陵號又贊曰孝文皇帝即位二  
十三年宮室苑囿車騎服御無所增益又云治霸陵  
皆瓦器不得以金銀銅錫爲飾因其外不起墳又攷  
王莽傳始建國元年以漢高祖廟爲文祖廟莽曰予  
復親受金策於漢高皇帝之靈惟思褒厚前代何有

忘時漢氏祖宗有七以禮立廟於定安國其園寢廟  
在京師者勿罷祠薦如故予以秋九月親入漢氏高  
元成平之廟注蘇林曰漢本祀祖宗有四莽以元帝  
成帝平帝爲宗故有七可知此等印皆莽所改鑄易  
名也

桂氏

右印文曰漢氏成園丞印攷成園乃孝成帝之園也  
此印亦王莽改鑄詳前攷三輔黃圖成帝延陵在扶

風去長安六十二里王莽時遣使壞渭陵延陵園門  
采恩渭陵乃元帝之陵延陵即成帝陵也又靈帝紀  
熹平四年五月延陵園災注成帝陵也在今咸陽縣  
西

印存

右印文曰千乘均監案百官表大司農屬官有均輸  
令丞又郡國諸倉農監都水六十五官長丞皆屬焉  
孟康曰均輸謂諸當所有輸於官者皆令輸其地土

所饒平其所在時賈官更他處貨之輸者既便而官有利也又地理志千乘郡高帝置有均輸官攷史記平準書言元封元年桑宏羊請置大農部丞數十人分部諸郡國各往之縣置均輸官令遠方各以其物貴時商賈所轉販者爲賦而相灌輸置平準於京師則此即是千乘郡均輸官之印無疑而攷桓譚作鹽鐵論以諍置鹽鐵均輸等官之非故東漢省去均輸官至和帝永元七年又更千乘郡爲樂安國則此印可定爲西漢物也

印叢橋鈕

右印文曰藍田胡監案地理志藍田屬京兆郡郡國志改郡爲尹此印稱縣名及監並與前印例同胡乃蠻夷之稱攷後漢時羌人數犯法三輔因復置都尉等官則當時益於藍田特設此官以監羌胡者也可  
以補史之闕略



集古官印攷卷七

嘉定瞿中溶編輯

男樹鏞校刊

令長丞尉

漢書百官公卿表縣令長皆秦官掌治其縣萬戶以上爲令秩千石至六百石減萬戶爲長秩五百石至三百石皆有丞尉秩四百石至二百石是爲長吏大率方百里其民稠則減稀則曠鄉亭亦如之皆秦制也列侯所食縣曰國皇太后皇后公主所食曰邑有蠻夷曰道凡縣道國邑千五百八十

七訖於孝平縣邑千三百一十四道三十一又續  
漢書百官志每縣邑道大者置令一人千石其次  
置長四百石小者置長三百石侯國之相亦如之  
凡縣主蠻夷曰道公主所食湯沐曰國萬戶以上  
爲令不滿爲長侯國爲相皆秦制也丞各一人尉  
大縣二人小縣一人本注曰丞署文書典知倉獄  
尉主盜賊發主名不立則推索行尋案察姦宄以  
起端緒劉昭注漢官曰雒陽令秩千石丞三人四  
百石孝廉左尉四百石孝廉右尉四百石則似雒

陽爲京師首邑多一丞又尉皆以孝廉爲之志又云合侯國計之至於孝順縣邑道侯國千一百八十應劭漢官曰三邊始孝武皇帝所開縣戶數百而或爲令荆陽江南七郡惟有臨湘南昌吳三令爾及南陽穰中土沃民稠四五萬戶而爲長桓帝時以江南陽安爲女公主邑改號爲令至薨仍復其故若此爲繫其本俗說令長以水土爲之及秩高下皆無明文又大縣丞左右尉所謂命卿三人小縣一尉一丞命卿二人

集古官印攷 卷七

顧譜

二

右檠令之印案地理志檠屬右扶風師古曰讀與郃同音胎郡國志右扶風郃有郃亭徐廣曰今檠鄉又攷後漢書王恽傳亦言郃之檠亭知東漢已并檠於郃矣此印定爲西漢物

顧譜鼻鈕

右樊令之印案地理志樊屬東平國郡國志改屬任

城國

桂氏

右鄆令之印案地理志鄆屬沛郡孟康曰音多郡國志郡改國

桂氏

右酈令之印案地理志酈屬南陽郡云育水出西北南入漢如淳曰酈音踣踣之踣郡國志同云侯國則

此印當爲西京物

范氏鼻鈕

右梁令之印案地理志梁屬河南郡

印叢龜鈕

右蕃令之印案地理志魯國蕃應劭曰制國也音皮師古曰白袞云陳蕃之子爲魯相國人爲諱故曰皮此說非也郡縣之名土俗各有別稱不必皆依本字

以後郡國志同者皆不著

右山都令印案地理志山都屬南陽郡郡國志同云  
侯國則此當爲西漢印

范氏鼻鈕

張氏

印存

顧譜

鼻鈕

右中牟令印案地理志中牟屬河南郡郡國志郡改  
尹

右槐里令印案地理志右扶風槐里周曰犬邱懿王  
都之秦更名廢邱高祖三年更名

右亢父令印案地理志東平國亢父詩亭故詩國師  
古音抗甫郡國志改屬任城國注云章帝元和元年  
分東平爲任城



印叢鼻鈕顧譜同

右故道令印案地理志故道屬武都郡

印叢鼻鈕

右彭澤令印案地理志彭澤屬豫章郡

顧譜

右尋陽令印案地理志尋陽屬廬江郡

印統

右新淦令印案地理志新淦屬豫章郡都尉治應劭  
曰淦水所出而入湖漢也師古曰淦音紺又音古含  
反

顧譜

右金城令印案地理志金城屬金城郡

瓦鈕

右長平令印案地理志長平屬汝南郡莽曰長正郡  
國志改屬陳國此印與後皆吳門王月鋤所藏

瓦鈕

右博昌令印案地理志博昌屬千乘郡郡國志屬樂  
安國

顧譚鼻鈕

右下相令印案地理志下相屬臨淮郡應劭曰相水  
出沛國故加下郡國志改屬下邳國

印存

右晉陽令印案地理志晉陽屬太原郡故詩唐國

右句陽令印案地理志句陽屬濟陰郡應劭曰左氏傳句瀆之丘也師古曰音鉤

顧譜

右居巢令印案地理志居巢屬廬江郡

右平原令印案地理志平原屬平原郡

印叢鼻鈕顧譜

右江都令印案地理志江都屬廣陵國

范氏鼻鈕

印叢橋鈕顧譜瓦鈕

右封丘令印案地理志封丘屬陳留郡

右濟陽令印案地理志濟陽亦屬陳留郡翁氏兩漢

金石記摹其文

范氏鼻鈕

印叢鼻鈕顧譜

右穀城令印案地理志穀城屬河南郡成城字通下  
印稍大而古樸

顧譜鼻鈕

右新城令印案地理志有兩新城一屬河南郡云惠  
帝四年置一屬北海郡云侯國侯國不應稱令此必

河南之新成也郡國志止有河南之新城其屬北海者蓋已并入他縣矣成城古通與前印同

顧譜鼻鈕

右安豐令印案地理志安豐屬六安國郡國志屬廬江郡

金氏鼻鈕

右利成令印案地理志利成屬東海郡郡國志成作



城

印叢鼻鈕

右白馬令印案地理志白馬屬東郡

右梓潼令印案地理志梓潼屬廣漢郡

印統

右河陽令印案地理志河陽屬河內郡桂氏又引河陽長印一稱令一稱長疑不皆漢印也

印存

右陽安令印案地理志陽安屬汝南郡應劭曰道國也今道亭是

顧譜鼻鈕

右新豐令印案地理志新豐屬京兆尹云故驪戎國

高祖七年置應劭曰太上皇思東歸於是高祖改築  
城市街里以象豐徙豐民以實之故號新豐

孔氏鼻鈕

右頓丘令印案地理志頓丘屬東郡師古曰以丘名  
縣也

顧諸鼻鈕

右泉陵令印案地理志泉陵侯國屬零陵郡郡國志

不云侯國則東漢仍復爲縣矣此印蓋東漢物也泉  
字上从白下从三人於篆體殊繆與白水真人之謬  
又不同

右武陽令印案地理志武陽屬犍爲郡

印統

右離奴令印案地理志雍奴屬漁陽郡

金氏印叢臬鉏

右臨菑令印案地理志臨淄屬齊郡郡國志郡改國  
淄作菑正與印同淄菑古通惟此文繆篆又似著矣  
攷隸續斥彰長田尹碑臨淄之淄作菑與此畧同此  
印見范氏譜皆合蓋先爲范所藏也

印存

右武安令印案地理志武安屬魏郡此印見范譜云

鼻鈕皆合蓋先卽范所藏物

范氏鼻鈕

右城平令印案地理志城平屬渤海國郡國志改屬  
河間國

杜氏

右蕩陰令印案地理志蕩陰屬河內郡云蕩水東至  
內黃澤西山羨水所出亦至內黃入蕩有羨里城西

伯所拘也師古曰蕩音湯

大年據印史纂補

桂氏

右臨涇令印案地理志臨涇屬安定郡

顧譖鼻鈕

右就都亭宰印攷漢書王莽傳始建國元年改縣令  
長曰宰天鳳元年七月改縣以亭爲名者三百六十

以應符命文也地理志蜀郡有廣都縣莽曰就都亭  
此爲王莽時印無疑

印存

右義溝道宰印攷地理志北地郡義渠道莽曰義溝  
亦莽時印無疑

孔氏龜鈕

右襄陽宰之印山左金石志孔

廣興

所藏古印初集



曰漢書地理志上郡白土縣園水出西東入河莽曰  
黃土師古曰園音銀又西河郡園陽縣師古曰此縣  
在園水之陽又園陰縣莽曰方陰師古曰園字本作  
園縣在園水之陰因以爲名也王莽改爲方陰則是  
當時已誤爲園字今有銀州銀水卽是舊名猶存但  
字變耳水經河水云又南過西河園陽縣東酈注云  
園水出上郡白土縣園水東逕其縣南地理志曰園  
水西東入河王莽更曰黃土也園水又東逕園陰縣  
北漢惠帝五年立王莽改曰方陰矣漢書武帝紀太

初元年正歷以正月爲歲首色上黃數用五張宴曰  
漢據土德土數五故用五謂印文也若丞相曰丞相  
之印章諸卿及守相印文不足五字者以之足之按  
此印五字乃西漢制小顏謂圜水當時已誤爲圜得  
此可據中涓案此印文曰率乃王莽時物王莽改圜  
陰未改圜陽故此印曰圜陽有前就都亭義溝道兩  
印可證今諦審圜字乃从山作寰寰字古用爲縣字  
與圜同音故通用攷史記匈奴傳晉文公攘戎翟居  
於西河圜洛之間小司馬索隱曰三蒼圜作圜地理

志云園水出上郡白土縣西東流入河韋昭云園當  
爲園郡國志及太康地理志並作園字也据小司馬  
所云可見三蒼本作園後作園皆据韋昭說改師古  
亦沿其謬耳又攷漢少室神道石闕銘亦作園陽而  
鐘鼎款識漢平周鉦文有園陰亦不作園薛尚功亦  
以師古言爲凡說其音園爲銀則本史記匈奴傳徐  
廣注也

查氏

右蒙陰宰之印攷地理志泰山郡蒙陰禹貢蒙山在西南有祠顓臾國在蒙山下莽曰蒙恩又梁國蒙注亦云莽曰蒙恩案二縣不應同改爲蒙恩此印與前皆同可信爲莽時制疑莽但改蒙曰蒙恩其蒙陰未改也地理志誤重出耳

右穎陰宰之印亦莽時物案地理志穎陰屬潁川郡穎字當从永印文乃从禾可證二字古通此印已收

馮晏海金石索云得於曲阜龜鈕甚古

龜鈕

右孱陸采宰印攷地理志武陵郡孱陵莽曰孱陸此印亦曰宰而文爲五字亦爲莽時物無疑采卽穗字說文采禾成秀也人所以收从爪禾重文作穗云采或从禾惠聲則采宰一官蓋亦典農之流而莽所置也

吳氏

范氏鼻鈕

右廣饒令印案地理志廣饒屬齊郡此印與後臨湖  
建陽二令印四圍有界線亦同前龍雒侯諸印

印統

右建陽令印案地理志建陽屬九江郡東海郡亦有  
建陽乃侯國此當是九江之建陽攷郡國志二郡皆  
無建陽益俱并入他縣矣此印四圍亦有線

右臨湖令印案地理志臨湖屬廬江郡四圍亦有界  
線

右當塗令印案地理志當塗侯國屬九江郡應劭曰  
禹所聚塗山侯國也有禹虛郡國志同兩漢旣爲侯  
國不應有令又印文當字殊謬恐非漢物

右易陽令印案地理志易陽屬趙國應劭曰易水出  
涿郡故安師古曰在易水之陽此印令字與前各印  
異故列於後各印首

右卽丘令印案地理志卽丘屬東海郡孟康曰古柅  
丘郡國志改屬琅邪國爲侯國此印文多謬體疑非



漢物

右廣年令印案地理志廣年屬廣平國郡國志改屬鉅鹿郡印文亦與漢印有異恐後代物

右土垠令印案地理志土垠屬右北平郡師古曰垠音銀此印大而篆多謬恐非漢物已見范譜云鼻鈕

皆與此合當先卽其所藏也

孔氏鼻鈕

右池陽令印案地理志池陽屬左馮翊云惠帝四年  
置應劭曰在池水之陽印文多舛謬不完疑亦非漢  
物見山左金石志范譜有此印皆合當卽范所藏也

右定陵令印案地理志有兩定陵一屬潁川郡一屬

汝南郡郡國志祇有潁川一縣蓋在汝南者已併入  
它縣矣地理志於潁川郡定陵下云有東不羹莽曰  
定城於汝南郡定陵下云高陵山汝水出東南至新  
蔡入淮過郡西行千三百四十里而郡國志於潁川  
郡定陵有東不羹下注引杜預曰縣西北有不羹亭  
地道記曰高陵山汝水所出似混而爲一攷水經云  
汝水過潁川定陵縣西北又云汝水東南過定陵縣  
北錢獻之謂皆指潁川之定陵也又謂汝南定陵在  
汝水之北潁川定陵在汝水之南地雖近而不同惟

此印四圍有界線而字體不工與漢印文迥別恐亦是後代物

范氏鼻鈕

右印文曰校令穀印義不可通攷兩漢敦煌郡皆有縣名效穀漢書地理志注師古曰魚澤障也桑欽說孝武元封六年濟南崔不意爲魚澤尉教力田以勤效得穀因王爲縣名效與校皆从交得聲古義可通則此印文似當自首一字聯左讀又仍以下右之令

字接印讀矣

顧謂

右沮長之印案地理志沮屬武都郡師古曰沮音千  
余反又音夷

印叢鼻鈕

右益長之印案地理志益屬北海郡郡國志改屬樂  
安國

吳氏

右任長之印案地理志任屬廣平國郡國志改屬鉅鹿郡

印存

右利成長印案地理志利成屬東海郡郡國志成作城印文與地理志合當爲西京物

右狼孟長印案地理志狼孟屬太原郡莽曰狼調

右隋氏長印案地理志隋氏屬上黨郡

自昇鈕顧諱

右武德長印案地理志武德屬河內郡

右公丘長印案地理志公丘屬沛郡云侯國詳注文

右卽墨長印案地理志卽墨屬膠東國莽曰卽善

右高樂長印案地理志高樂屬勃海郡莽曰爲鄉



印叢書金顧謹

右睢陵長印案地理志睢陵屬臨淮郡郡國志改屬  
下邳國睢字當从且此从目非

湯氏

右襄安長印案地理志襄安屬廬江郡

顧謹

右堵陽長印案地理志堵陽屬南陽郡韋昭曰堵音者

趙摹

右虎奚長印案地理志潁陽郡犀奚恭曰敦德孟康曰犀音題字或作蹄而郡國志犀作𧈧攷漢書揚雄傳柴虎參差蕭該音義虎作𧈧云音池一音牙蘇林𧈧音近解冠之牙韋昭音疏佳反蕭該蘇林本皆誤虎爲𧈧耳牙與池音相近韋昭音疏佳反非也此字

續志作慮虎之虎恐印文亦虎之謬體也地理志顏  
師古音慮虎爲廬夷而攷建初六年所造銅尺虎作  
倮攷說文虎从虍聲徐音息移切虍徐音余制切而  
人部無倮字則隸變虍爲亾明矣此文郡國志又誤  
於虎旁加亾而地理志作倮者蓋因虎變或作倮形  
相似而又譌也隸書倮字似帝所以古人有帝虎之  
誤孟康所謂或作蹄者恐亦卽倮之誤耳左氏昭八  
年晉侯築虎祁之宮釋文虎音斯云亦作倮同而廣  
韻平聲五支有倮字云倮祁地名在絳西臨汾水本

亦作虎皆可與此互證者也近代查氏慎行敬業堂集有隨駕宿密雲詩有句云庠奚父老爭扶杖庠誤作庠又云音提注引方輿紀要爲證皆失其實提奚別是一縣屬樂浪郡

金氏願謙

右廣陽長印案地理志廣陽屬廣陽國郡國志國改郡

顧譜鼻鈕

右新昌長印案地理志有兩新昌一屬涿郡云侯國  
一屬遼東郡郡國志止有遼東之新昌蓋屬涿郡者  
已并它邑矣韞作新繆篆也

顧譜鼻鈕

右故鄣長印案地理志故鄣屬丹陽郡師古曰鄣音  
章郡國志云故鄣郡所治

顧譜

右昌邑長印案地理志昌邑屬山陽郡武帝天漢四年更山陽爲昌邑國郡國志昌邑刺史治

顧譜鼻鈕

右餘杭長印案地理志餘杭屬會稽郡孟康曰杭音行伍之行

范氏鼻劍

右吳房長印案地理志吳房屬汝南郡孟康曰本房子國楚靈王遷居於楚吳王闔閭弟夫槩奔楚封於此爲堂谿氏以封吳故曰吳房今吳房城堂谿亭是

查氏

右方城長印案地理志方城屬廣陽國郡國志改屬涿郡

楊氏譜

右東光長印案地理志東光屬勃海郡

右夷道長印案地理志夷道屬南郡應劭曰夷水出巫入江此印見范譜云鼻鈕文同而筆畫較肥蓋卽此印也



印統

右朔方長印案地理志朔方屬朔方郡

金氏鼻鈕

右剛氏長印案地理志廣漢郡有剛氏道郡國志屬廣漢屬國都尉印文去道字取四字爲文也又印文四字獨氏字反書于諸印中僅見然漢時金石刻往往有之

印叢龜鈕

右扶柳長印案地理志扶柳屬信都國師古曰闕駟云其地有扶澤之中多柳故曰扶柳郡國志改屬安平國扶字皆从手旁而印文从木旁攷說文木部有扶字云扶蘇四布也今本兩漢志皆誤从手旁漢書外戚恩澤侯表有扶柳侯呂平亦誤从手旁据此印作扶柳蓋正取柳之扶蘇四布爲義闕駟以扶爲澤名真肌說也

桂氏

右汶陽長印案地理志汶陽屬魯國莽曰汶亭應劭  
曰詩曰汶水湯湯師古曰卽左傳所云公賜季友汶  
陽之田者也又見一印汶止作文予攷汶水之汶雖  
見說文然古本不从水文章之文說文作亥漢人隸  
書移彡於左作汶遂誤爲水旁詳予校勘隸釋隸續  
古義拾補

桂氏

右大陽長印案地理志大陽屬河南郡應劭曰在大  
河之陽郡國志改屬河東郡

桂氏

右太丘長印案地理志太丘屬沛郡郡國志郡改國  
大年據印正摹補

右平棘長印案地理志平棘屬常山郡

桂氏

右陽安長印案已見前令印恐非皆漢印也

桂氏

右望垣長印案地理志望垣屬天水郡郡國志屬漢

集古寶印攷

卷七

二十七

陽郡垣誤作恒

大年據印史摹補

桂氏

右阿陽長印案地理志阿陽屬平原郡郡國志屬漢陽郡

桂氏

右休屠長印案地理志休屠屬武威郡云北部都尉

治休屠城郡國志郡下注云故匈奴休屠王地武帝置

大年據印史摹補

桂氏

右殺初長印案地理志殺初屬左馮翊師古曰殺音丁活反又音丁口反初音詡郡國志云永元九年復則必嘗廢并矣據後丞印初當作初从木旁詳後

顧譜鼻鈕

右防東長印案郡國志防東屬山陽郡攷地理志無此縣蓋後漢時增置也

顧譜瓦鈕

右封谿長印案地理志無封谿郡國志封谿屬交趾郡云建武十九年置則此亦東漢時印也



印存

右齊陵長印案兩漢無齊陵攷地理志齊郡臨淄莽曰齊陵惟此印亦四字又不稱宰與王莽時制不合然篆文甚嚴整有法頗類漢印

顧譜鼻鈕

右州陵長印案地理志州陵屬南郡此印四圍有界與他印不類

吳氏

右武安長印案漢書地理志武安屬魏郡四圍亦有  
界與前州陵長印略同且前有武安令印此又稱長  
恐是後代物此印見范譜皆合云鼻鈕蓋卽一印而  
前爲范所藏也

查氏

右新陽長印案地理志新陽屬汝南郡此印文頗謬

不似漢印

吳氏

右印文曰新鄭邑長案地理志新鄭屬河南郡云詩  
鄭國鄭桓公之子武公所國爲桓所滅韓自平陽徙  
都之應劭曰國語曰鄭桓公爲周司徒王室將亂寄  
帑與賄於虢會之間幽王敗滅公死之其子武公與  
平王東遷洛邑遂伐虢會而并其地而邑於此中潞  
攷自漢訖隋皆有新鄭縣而所見歷代令長印俱無

稱邑者惟匈奴蠻夷等有邑長邑君之號然此印篆文甚佳與漢印絕類姑附漢後俟攷范氏譜有此印皆合云瓦鈕蓋前卽范所藏也

印統

右印文曰陝谿關長攷關長之名不見於列代史志而陝谿似地名又非唐以前縣然攷後漢書張禹傳言祖父况光武以爲常山關長而前書地理志言代郡有常山關又范書光武紀言建武十五年二月徙

鴈門代郡上谷民置常山關居庸關以東則闕與郡  
縣不同地非因郡縣之名而設故漢及晉魏隋史志  
間載關名關官多不與郡縣同名此印文所稱之陝  
谿雖不見於史志諸書蓋其類耳百官公卿表言關  
都尉秦官武帝初置而續漢書百官志言中興建武  
六年省諸郡都尉并職太守省關都尉惟邊郡往往  
置都尉及屬國都尉而范書靈帝紀又言中平元年  
置八關都尉意東京中平以前不置關都尉其守關  
之官比縣邑之稱長故張禹祖父有爲常山關長者

今据彼以此印列於邑長之後云